

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 41. i 45. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva za privredu, Vlada Zeničko-dobojskog kantona, na 41. sjednici, održanoj dana 30.01.2020. godine, d o n o s i

ZAKLJUČAK

o usvajanju Programa utroška budžetskih sredstava od koncesija u 2020. godini (Realizacija projekata Vlade koji se finansiraju iz prihoda od koncesija)

I.

Usvaja se Program utroška budžetskih sredstava od koncesija u 2020. godini - Realizacija projekata Vlade koji se finansiraju iz prihoda od koncesija Ministarstva za privredu Zeničko-dobojskog kantona, u iznosu od 1.200.000,00 KM (slovima: jedanmilionidvjestotinehiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Za realizaciju ovog zaključka zadužuju se Ministarstvo za privredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/20
Datum, 30.01.2020. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za privredu,
1x Ministarstvo finansija,
1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRIVREDU I GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF ECONOMY

PROGRAM
UTROŠKA BUDŽETSKIH SREDSTAVA OD KONCESIJA
MINISTARSTVA ZA PRIVREDU U 2020. GODINI
(Realizacija projekata Vlade koji se finansiraju iz prihoda od koncesija)

Zenica, januar 2020. godine

PROGRAM

utroška budžetskih sredstava u 2020. godini - Realizacija projekata Vlade koji se finansiraju iz prihoda od koncesija Ministarstva za privredu u 2020. godini (Realizacija projekata Vlade koji se finansiraju iz prihoda od koncesija)

1. ZAKONSKI OSNOV ZA DONOŠENJE PROGRAMA UTROŠKA SREDSTAVA OD KONCESIJA ZA 2020. GODINU

Izrada Programa utroška budžetskih sredstava u 2020. godini - Realizacija projekata Vlade koji se finansiraju iz prihoda od koncesija, propisana je članovima 41. i 45. stav 1. Zakona o izvršavanju Budžeta Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19).

Budžetom Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19) utvrđena su finansijska sredstva, ekonomski kod 614 100 - Tekući transferi drugim nivoima vlasti, odnosno subanalitika IAD002 - Realizacija projekata Vlade koje se finansiraju iz prihoda od koncesija, u iznosu od 1.200.000,00 KM.

Izvori finansijskih sredstava po osnovu koncesionih naknada utvrđeni su koncesionim ugovorima potpisanim između Ministarstva za privredu i privrednih subjekata koji realiziraju koncesione projekte istraživanja i eksploatacije čvrstih nemetalnih mineralnih sirovina na području Zeničko-dobojskog kantona.

Raspodjela prihoda od koncesione naknade vrši se prema Odluci Vlade Kantona, broj: 02-14-2098/13 od 24.01.2013. godine ("Službene novine Zeničko-dobojskog kantona", broj: 1/13), o načinu rasporeda sredstava od koncesija, u omjeru 70% prikupljenih sredstava pripada općinama/gradovima (JLS) na čijoj teritoriji se vrši eksploatacija i 30% Kantonu. Upravljanje sredstvima obavljaju Ministarstvo za privredu i općine/gradovi (JLS) prema vlastitim programima utroška za svaku godinu.

Ovaj program usaglašen je sa Strategijom razvoja Zeničko-dobojskog kantona za period 2016-2020. godina, te sa nadležnostima Ministarstva za privredu.

2. NAČIN REALIZACIJE

Imajući u vidu raspoloživa sredstva, Ministarstvo za privredu je planiralo utrošak utvrđenih sredstava na sljedeći način:

1. Sufinansiranje uspostavljanja industrijskih/poslovnih zona

Iznos: 1.155.000,00 KM

Svrha:

Ministarstvo za privredu je u 2008. godine sačinilo Projekat organizacije poslovnih zona na području Zeničko-dobojskog kantona. U 2009. godini je sufinansirana izrada projektne dokumentacije za šest poslovnih zona, a u 2011. godini su započete intenzivne aktivnosti izgradnje zona. U narednim godinama Ministarstvo je nastavilo sufinansirati izgradnju poslovnih zona na području Kantona, te je ove godine planirano izdvojiti značajnija sredstva za sufinansiranje izgradnje zona.

Organizacija – primalac: Općine/Gradovi (JLS) Zeničko-dobojskog kantona.

Kriterij uspostavljen u: Uputstvo o postupcima i kriterijima za odobravanje i dodjelu sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona

Realizacija ciljeva: Realizirati projekte sufinansiranja uspostavljanja poslovnih zona

2. Provođenje postupaka dodjele, nadzora i realizacije koncesionih ugovora

Iznos: 55.000,00 KM

Svrha:

U skladu sa Zakonom o koncesijama - Prečišćeni tekst („Službene novine Zeničko-dobojskog kantona“, broj: 5/03), te Pravilnikom za ocjenu najpovoljnije ponude za dodjelu koncesija za istraživanje i eksploataciju mineralnih resursa („Službene novine Zeničko-dobojskog kantona“, broj: 3/03) Ministarstvo provodi postupak dodjele koncesije putem Komisije za utvrđivanje Javnog interesa i provođenje postupka izbora najpovoljnijeg ponuđača za dodjelu koncesije za istraživanje i eksploataciju mineralnih resursa koju formira ministar. Komisiju čine predstavnici ministarstava Kantona i jedinice lokalne samouprave na čijem lokalitetu se razmatra mogućnost dodjele koncesije.

Svi koncesioni ugovori sadrže i obavezu kontrole i utvrđivanja eksploatisanih količina mineralnih i drugih resursa. Posebno značajno je utvrđivanje eksploatisanih mineralnih resursa sa predstavnicima privrednih subjekata (koncesionara). Stoga je neophodno povremeno izvršiti kontrolna geodetska mjerenja kamenoloma, koje vrše isključivo ovlaštene organizacije. Izbor izvođača geodetskih mjerenja vrši se shodno Zakonu o javnim nabavkama.

Pored navedenog, dio sredstava će biti upotrebljen za finansiranje nadzora koncesionara putem Komisije za kontrolu koncesionih ugovora i Komisije za utvrđivanje javnog interesa i provođenja postupka dodjele koncesije.

Organizacija – primalac: Najpovoljniji ponuđači za provođenje geodetskih mjerenja i komisije

Kriterij: Elementi utvrđeni Javnim pozivom i Odluke Vlade Kantona.

3. REKAPITULACIJA

Redni broj	Naziv programa	Planirana sredstva /KM/ ekonomski kod 614100
1.	Sufinansiranje uspostavljanja industrijskih/poslovnih zona	1.155.000,00
2.	Provođenje postupaka dodjele, nadzora i realizacije koncesionih ugovora	55.000,00
UKUPNO		1.200.000,00

Broj: 02-_____/20

Datum, 30.01.2020. godine

Z e n i c a

PREMIJER

Mirza Ganić

DOSTAVLJENO:

1x Ministarstvo za privredu,

1x Ministarstvo finansija,

1x a/a.